

115 年全國語文競賽臺灣原住民族語言朗讀文章 【建和卑南語】 高中學生組 編號 3 號

kinakuwang kani temu Hantan

harem kanini na wari, mau naniyam kana tinakesiyan i kawcong, tu ipakalikudang lra mena'u kanini na kemuwakuwang kani “temu Hantan”, paranger ku adiyu diya, a temakakesi mi diya i palrivak kana kungkuwan pukaenem 'ami adu.

adiyu diya mu, kadu mi i 'eving makaicas kana tēbo i ngidiran kana biyo, penauwa kadu mi kana kemakakuwang na cau tu likudan, adi kemadu lra kaduwan na cau temala' kaniyam, madalram ku adu mu, tu patekayaw mi kana pencik na kuwakuwang i dadek diya, di 'umuy'uy mi kananiyam nanayan.

harem pungaway mi kana pulaludus lra kananiyam tinakesiyan i kawcong, kurelrang mi pakalikudan lra kanini na “Yuēn-siyaw-ciyē”, semavalr duwa mi lra i valangaw maya' da kakayanan, di marekaadalrep lra na tuki di, marekakaduwan lra na cau i nganguwayan kaniyam, mulupun di mutulik, karepuicaicas lra tu lima a cau, semasiyasing, di kemakuwakuwang lra, adi repidan mu, 'asevan lra i iyan diya, velreci' ta dadek diya, 'asevan ta

mudingan diy, lramu mau naniyam maseku na adi penauwa tu cinavuwan awlra di, musaluk kananta udung na 'asevan, nu mengad ta mu, demiyalr ta, adi ta lra madiyadi demiyalr, karuwa lra madiyadi kema ta mu, pakilev dadu na 'asevan, na kadu i ni'en na 'asevan mu, adi ta maruwa padiyalr pupana, milralrang ku kani ngidalri mihelrep mi punutut kananiya udung, lraman ku lra mena'u kanantu diyalran i ngidalri , ma'ulid ku lra kemudaya, maranger ku kemedeng punusar kema ku mu, kaduwan dadu na cau, adi ta lra aluwa mahuwahu, yaraka ta da danum pa'au kema ta mu, 'asev dadu di adi ta karuwa 'emau, mukuwa ta lra kingera mu, ulra diya na demadiyalr ulra diya na kemakuwang. malahan ta lra mu, mena'u ta lra da maruwadaday lra na cau, murupurupun kurelrang kantu ikakawang ni “temu Hantan” marekaadawilr lra!

ini na kinakuwang kani “temu Hantan”mu, lramu mulihu dadu di, marekaduwan lra na kemay 'alra'alra na cau duwa mena'uwa, tatena' da 'emiyar kanta ini “temu Hantan”!

炸寒單

今年是我們高中畢業前的最後一次炸寒單爺，往年，我們總對炸寒單爺充滿好奇，一窩蜂地衝往現場。這次在知本溫泉，我們也剛好站在炮手旁邊，沒有太多的人牆擋住視線，只有鞭炮炸後的殘餘碎片打的我們哀哀叫。一排排的人牆不斷往前堆疊，炮聲響起，頓時煙霧瀰漫，每一次的呼吸會讓人止不住的咳嗽，當我們再度抬起頭時，人牆早已崩解，大家都隨著寒單爺的腳步遠去！

這炸寒單爺的文化，已成了大名氣，希望這炸寒單爺能帶給臺東好事喔！